

1. ԳԱՌՆԻՆ ԸՍՏ ԳՐԱՎՈՐ ԱՂՔՅՈՒՐՆԵՐԻ

Գառնիի մասին մատենագրական տեղեկություններ պահպանել են հայ և օտարազգի հեղինակները: Այդ տեղեկությունները վերաբերում են Գառնիի հիմնադրմանը, այսպեղ կատարված շինարարություններ, ամրոցի հետ կապված քաղաքական անցքերին, շոշափում են Գառնի գյուղաքաղաքի տնտեսական կյանքի առանձին կողմերը:

Օգտվելով ժողովրդական ավանդություններից, պատմահայր Մովսես Խորենացին Գառնիի հիմնադրումը վերագրում է Հայկ նահապետի հեանորդների առասպելական ժամանակներին: Նրա ասելով, Հայկի թոռ Ամասիայի որդի Գեղտմը բնակություն հաստատելով Սեանա լճի ափին, «դառնայ անգրէն ի գաշտ անգր, ե առ ոտամր նորին լերինն [Գեղ] ի ձորակի միում ամրոջ շինէ ձեռակերտ մի, ե կոչէ գանուն նորա Գեղամի, որ յետոյ ի Գառնկայ թոռանէ նորա անուանեցաւ Գառնի»¹: («Դառնում է այնտեղից մի դաշտի մեջ և նույն [Գեղ] լեռան սառըոտում, ամուր ձորակի մեջ շինում է մի ձեռակերտ և իր անունով կոչում է Գեղամի, որը հետո նրա Գառնիկ թոռան անունով անվանվեց Գառնի»):

1346 թ. արտագրված մի ձեռագիր հիշատակարանում կարդում ենք. «Բի էձ ե Ժէ ամով յառաջ քան զհայ թուականն շինեցաւ գեղաքաղաքն Գառնի ի Գեղամայ ե ի Գառնկոյ»²: («2717 տարի առաջ քան հայ թվականը (այսինքն՝ 2166 թ. մ. թ. ա.) շինվեց Գառնի գյուղաքաղաքը Գեղամի և Գառնիկի կողմից»):

Սրանք, իհարկե, ավանգական տվյալներ են, որոնք, ստեղծվել են Գառնիի շաա հին ընկալվայր լինելու հանգամանքը:

Պեղումները ես ցույց են տալիս, որ Գառնիում ընկությունը սկսվել է շաա վաղ ժամանակներում, իսկ սրբատաշ քարերից կանգնեցված ամրոցը կառուցվել է բրոնզեդարյան ամրոցի տեղում, հավանաբար III դարում մեր թվագրությունից առաջ:

Բարձր արվեստով կառուցված այդ ամրոցը կանգուն էր, երբ առաջին դարի կեսերին դարձավ որոշ պատմական անցքերի կենտրոն: Այդ ժամանակ հայկական զահի վրա հռոմեացիների օգնությամբ նստել էր վրաց Փարասման թագավորի եղբայր Միհրդատը: Փարասմանի որդի Հռագամիզդը գավադություն կազմակերպելով իր հորեղբայր Միհրդատի դեմ և ձգտելով խլել նրանից զահր, գործով գալիս է Միհրդատի վրա: Վերջինս չկարողանալով

¹ Մովսես Խորենացի, Պատմութիւն Հայոց, Տփղիս, 1913, էջ 41:

² ԺԳ զարի Դալերեն ձեռագրերի հիշատակարաններ, կազմեց Լ. Ս. Խաչիկյան, 1950, էջ 351:

դիմադրել իր ախոյանին, ամրանում է Գառնի ամրոցում: Հռադամիզդր պաշարում է ամրոցը, բայց չի կարողանում գրավել այն: Նկարագրելով այս անցքերը, հռոմեացի պատմիչ Կոռնելիոս Տակիտոսը ասում է, թե այդ բերդը ամուր էր իր անդադրությանը¹:

Միհրդատր բարձրանալով հայկական գահի վրա, շանում էր վարել ինքնուրույն քաղաքականություն, որը ձեռնտու չէր հռոմեացիներին, ուստի հռոմեական ղորավարներն օժանդակում էին Հռադամիզդին: Վերջինս ղինքի ուժով չկարողանալով դրավել Գառնին, հաշտության պատրվակով, իր մոտ է հրավիրում Միհրդատին: Հռոմեական կայսրդուրի կաշառված հրամանաար Կելիուս Պուլլիոնի ճնշման տակ Միհրդատը դուրս դալով ամրոցից, ուխտադրժորեն սպանվում է, իսկ Հռադամիզդը աիրում է հայկական գահին: Բնորոշ է թե ի՞նչ դիրք են բռնում այս անցքերի նկատմամբ հռոմեական գորավորները: Տակիտոսը պատմում է, թե Ասորիքի հռոմեական կուսակալ Կվադրատոսը անդեկանալով Միհրդատի սպանության մասին, հրավիրում է խորհուրդ, հաղորդում է եղելությունը և կարծիք հարցնում, թե արդյոք անհրաժեշտ չէ՞ պատժել մեղավորներին: Սակայն պետության հասարակական պապի սասին քչերն էյն հողում: Շաաերն ասում էին, որ օտարների ամեն մի ոճրագործություն պետք է ընդունվի ուրախությամբ, որ անհրաժեշտ է նույնիսկ նրանց մեջ առելություն սերմեր ցանել, ինչպես այդ հաճախ արել են հռոմեական կայսրները, բարրարոսների մեջ երկպառակություններ առաջ բերելու համար: Խորհուրդը հայանեց այն կարծիքը, որ ավելի լավ է, որ Հռադամիզդն իշխանության է հասել հանցանքով, այլ ոչ փառքով:

Այս կարծիքին հավանություն արվեց: Նվաճված կամ իրենցից կախյալ երկրների միջև առելություն և թշնամանք սերմանելը հռոմեացիների սիրած քաղաքականությունն էր, որը ցայտուն կերպով դրսևորվել է հայկական գահի շուրջը անդի ունեցող խժդժությունների կապակցությամբ:

Նույն առաջին դարի 50-ական թվականներին հռոմեացիները գրավել էին Հայաստանը, բայց հանդիպելով հայերի և սրանց ղաշնակից պարթևների դիմադրությանը, ստիպված էին նահանջել և հեռանալ երկրի սահմաններից: 59 թ. Հայաստանի մայրաքաղաք Արաաշաից նահանջելուց առաջ հռոմեացիները հիմնահասակ ալերեցին և հրկիզեցին այն և, ինչպես երևում է, նրանք չխնայեցին նաև մայրաքաղաքի պաշապանության հյուսիս-արևելյան հենակետը հանդիսացող Գառնի ամրոցը:

63 թ. հռոմեական լեգիոնները ծանր և ամոթալի պարաություն կրեցին Հռանդեայի ճակատամարտում (այժմյան Խարրերդ քաղաքի մոտերքը) և դուրս շարտվեցին Հայաստանից:

Հայկական գահի վրա բարձրացած Տրգաա Ա թագավորի օրոք վերաշինվեցին ինչպես Արաաշատ մայրաքաղաքը, նույնպես և Գառնի արքայական ամրոցը: Ահա, այս ժամանակ է վերականգնվել Գառնի ամրոցի հղոր պարիսպը: Ամենայն հավանականությամբ Տրգաան է կառուցել տվել նաև Գառնիի հեթա-

¹ Tac. Annales, XI, 45.

² Tac. Annales, XII, 48 (օգտագործված է Հ. Մանանդյանի Թարգմանությունը (Քննական անություն հայ ժող. պատմության, հատ. Ա, էջ 322). որը համեմատված է Լատիշկի Թարգմանության հետ: ВДИ, № 3, 1945:

նոսական տաւորը, որը շորս կողմից սյուններով շրջապատված և շքեղորեն քանդակազարդված շենք է եղել՝ կտնգնած բարձրադիր հարթակի վրա:

Սկարագրելով այս շինարարությունը Մովսես Խորենացին գրում է.

«Այսու ժամանակաւ կատարէ Տրդատ զշինուած ամրոցին Գառնոյ, զոր որձաքար և կոփածոյ վիմօք, երկաթագամ և եսպարով մտծուցեալ. յորում շինեալ և տուն հովանոց, մահտրձանօք, սքանչելի գրօշուածովք, բարձր քանդակաւ ի համար քեռ իւրոյ Խոսրովիդիստոյ, և գրեալ ի նմա զյիշատակ իւր հելլենացի գրով»¹:

(«Այս ժամտնականերում Տրդատն ավարտեց Գառնի ամրոցի շինությունը՝ որձաքար և տաշած վեմերով, երկաթագամ և կապտրով ամրացված, որի մեջ կառուցեց նաեւ առն հովանոց, սյունազարդ, սքանչելի փորագրություններով և բարձր քանդակով, իր քույր Խոսրովիդիսի համար և գրեց նրա վրա իր հիշատակը հունական գրերով»):

Այս վկայությունից երեւում է, որ Մովսես Խորենացին ամրոցի և նրա մեջ դրնվող սյուներով ու բարձրադիր քանդակներով զարգարված հովանոցի շինությունը վերագրում է Տրդատ Գ-ին: Սակայն գրան հակասում են, ինչպես ամրոցի պարսպի և հեթանոսական տաճարի շինարարական արվեստի առանձնահատկությունները, նույնպես և այն հանգամանքը, թե արքայական այդ կարեւոր ամրոցը կարող է՞ր մինչև Տրդատ Գ-ի ժամանակները, այսինքն, տվելի քան երկու դար ավերակ ու ամայի մնալ: Բերդի պարսպի և հեթանոսական տաճարի շինարարական արվեստի քննությունը ցույց է աւելիս, որ ամրոցը վերաշինվել է ոչ թե Տրդատ Գ-ի ժամանակ, III դարի վերջին կամ IV դարի սկզբներին, այլ հայ Արշակունիների թագավորության հիմնադիր Տրդատ Ա-ի ժամտնակ: Գառնիում 1945 թ. գտնված հունարեն արձանագրության մեջ ասված է, թե ամրոցը կառուցվեց Տրդատի թագավորության 11-րդ տարում: Եթե ընդունենք, որ արձանագրությունը թողել է Տրդատ Ա-ը, ապա ամրոցի վերաշինության ժամանակը կլինի մեր թվականության 77 թ., այսինքն՝ ավերվելուց 18 տարի հետո:

Հետադարձում ես Գառնիում կառուցվել են պալաատական շենքեր, արքայական ընդհիք՝ խճանկար (մոզայիկ) հատակով, ընակելի շենքեր, զորանոցներ: Այս շենքերի մի մասը կառուցվել է Տրդատ Գ-ի ժամանակ, որին սխալմամբ վերագրվել է նաեւ ամրոցի և հեթանոսական տաճարի շինությունը:

Գառնիս իբրև արքունի ամրոց հիշատակում է նաեւ Փավստոս Բուզանդը, որը պատմելով Խոսրով Բ Կոռակի (332—338) ժամանակ Դվինի հիմնադրումից հետո անտառի տնկման մասին ասում է. «Եւ եա հրաման թագաւորն զօրավարին իւրոյ՝ հանել խաշար յաշխարհէն բաւում, և բերել զվայրենի կաղին մայրեաց, և տնկել զայն յայրարաանան դաւառին. և առեալ յամուր բերդէն արքունի, որում կոչեն Գառնի, մինչև ի դաշան Մեծամօրի ի ըլուրն՝ որ անուանեալ կոչի Դուին, որ կայ ի հիւսիսոյ կողմանէ քաղաքին մեծի Արտաշատու, զգետն խոնարհ մինչև յապարանսն Տիկնունի՝ տնկեցին զկաղիներ: Եւ կոչեաց զանուն նորա Տաճար մայրի»²:

1 Մովսես Խորենացի, Պատմութիւն, Տփղիս, 1913, էջ 241—242:

2 Փավստոս Բուզանդ, Վենետիկ, 1889, էջ 18:

յան դաշտի շուրջը, պաշտպանում էին տյս արգավանդ և խիտ բնակեցված դաշտավայրը Արտաշատ և Վաղարշապատ մայրաքաղաքներով հանդերձ:

Եզդիների վկայությունների համաձայն 450—451 թթ. Գառնի ամրոցը ավերածությունների է ենթարկվել, բայց Եզդիներ որոշակի ասում է, թե ավերվել էր ամրոցի բնակությունը, այսինքն, բնակության համար կառուցված շենքերը, իսկ ամրոցի պարսպի մասին ոչինչ չի նշում: Հավանաբար պարսպը չի բանդվել և ամրոցը, ինչպես և 481—484 թթ. ապսամարություններից հետո էլ մնացել է իրրև կարևոր զորակայան: Իսկ երեւում է Սերեոս պատմիչի մի վկայությունից, որի համաձայն պարսից խոսքով թագավորի ժամանակ՝ VI դարի վերջերին Գառնիում հաստատված պարսից զորքերը ապստամբում և սպանում են Հայաստանի սահմանակալ կամ մարզպան խորակասին¹, 591 թ., երբ Հայաստանը բռնադատվեց պարսիկների և ղյուզանցացիների միջև, ապա Բյուզանդիային անցան զգալի աերիտորիաներ, որոնց թվում անուտերական տունը (Այրարատյան գաղտը) ձմինչև ցգետն Հուրագղան, և զգաւաոն Կոաէից մինչև ցաւանն Գառնի...»²: Ուշագրավ է, որ այսանգ Գառնին ավան է կոչված:

607 թ. Աբրահամ կաթողիկոսի Դվինում գումարած եկեղեցական ժողովին մասնակցել են րազմաթիվ եպիսկոպոսներ, «վանից երեցներ», որոնց թվում նաև «Դաւիթ Երևանայ, Իսմայէլ Գառնոյ» վանից երեցները³: Ուրեմն Արշակունյաց թագավորության անկումից հետո Գառնիում այլևս եպիսկոպոս չէր նստում, րայց Գառնիի վանքի առաջնորդը մասնակից էր լինում կարևորագույն եկեղեցական զործերի քննարկմանը, տվյալ դեպքում, Դվինի եկեղեցական ժողովին, որը հակառակ Մորիկ կայսեր ձգտումներին, մի անգամ ևս մերժում է քաղկեդոնականությունը:

Հայաստանի վրա գործած արշավանքների ժամանակ արաբները Հարիր իրն-Մասլամայի գլխավորությամբ (VII դարի կես) գրավեցին Դվինը և այնանեղից անցան Գառնի (Ջուրնի), ապա Աշոցք գավառը:

Այս կապակցության մեջ Գառնին ներկայանում է իրրև կտրևոր ամրություն և կենարոն: Հայտնի է, որ արաբները ավերել են Գառնի ամրոցը, րայց երր, VII դարի կեսերին Հարիր իրն-Մասլամայի արշավանքների ժամանակ, որ պակաս հավանական է, թե VII դարի վերջերին—VIII դարի սկզբներին, երր նրանք վերջնականապես գրավեցին Հայաստանը՝ ստույգ հայտնի չէ: Համենայն դեպս VIII—IX դարերում Գառնի ամրոցը ավերակ է եղել և պարսպի քարերից շատերը աարվել, օգտագործվել են իրրև գերեզմանաքտրեր ու նրրանց վրա փորագրվել է VIII—IX դարերի համար ընորոշ իաչեր: Ինչ վերաբերում է Գառնի ավանին, ապա նա պահպանում է իր գոյությունը նաև ամրոցի ավեր ժամանակ:

Արարական տիրապետության ժամանակաշրջանում նախկին թագավորական ամրոց, ապա մարզպանական զորքերի զորակայան Գառնին, անցնում է Սյունյաց իշխաններին և մնում է նրանց ձեռքում մինչև Բագրատունի Աշոտ Բ թագավորի ժամանակները:

1 Սերեոս, Պատմութիւն, Երևան, 1939, էջ 31:

2 Նույն տեղում, էջ 47:

3 Գիրք թղթոց, էջ 151:

⁴ Ах. Беладоори, из соч. „Книга завоевания стран“, перевод проф. П. К. Жузе, Баку, 1927, стр. 10—11.

VIII դարի 30-ական թվականներին Գառնիի դեղանիստ ձորի մի քարայրում ճգնում էր Սյունյաց Ստեփանոս եպիսկոպոսի քույր Սահակադուխտը, որը աչքի ընկնող երաժիշա էր և լանաստեղծուհի: Խոսելով Ստեփանոս Սյունեցու մասին, Սահակադուխտը օրրելյանը ավելացնում է. «էր եւ սորա քույր մի՝ ի մանկութենէ սաացեալ զվարս կուսութեան և առանձնացեալ ի ձորակին Գտունոյ յայրի միոջ, և անտանելի վարս ճղնութեան կրէր յանձին. որոյ ասուն Սահակադուխտ: Սա լուծ հմուտ էր երաժշական արհեստին, որ և ի ներքոյ վարադուրի նստեալ ուսուցանէր բազումս: Եւ արար կցուրդս և մեղեդիս քաղցրեղանակս, յորոց մին՝ սրբուհին Մարիամ, որ իւրով անուամբն է յօրինեալ»¹: («Սա ուներ մի քույր, մանկությունից կուսության վարքը ստանձնած և առանձնացած Գառնի ձորակի մի քարայրի մեջ՝ ճղնության անտանելի կյանք էր վարում, բւի անունն էր Սահակադուխտ: Սա շատ հմուտ էր երաժշական արվեստին, որը և սովորեցնում էր ջառերին՝ նստած վարադուրի ետեում: Եվ (նա) սահղծեց քաղցրեղանակ մեղեդիներ և կցուրդներ, որոնցից մեկն էր Մարիամ սրբուհին, որը իր անունով է հորինված»):

Գառնի ավանը և վանքը VIII—IX դարերում տվել են խոշոր եկեղեցական գործիչներ: VIII դարի վերջերին (791) Հակոբ կաթողիկոսի մահից հետո ՔղՍողոմոն ածեալ կացուցանեն յաթոռ սրբութեանն: Սա էր ի քաղաքագիւղէն Գառնոյ, և ի մանկութենէ առեալ էր զլուծ կրօնաւորութեան կարգի... այլև վարժեալ իսկ էր ի փիլիսոփայական արուեստս և առաւել ես հմուտ լեալ փասղտութեան կրթանաց²: («Սողոմոնին բերեցին և հասաաանցին սուրբաթոռի վրա: Սա Գառնի քաղաքագիւղից էր և մանկությունից ստանձնել էր կրոնավորության կարգի լուծը... վարժված էր նաև փիլիսոփայական արվեստի և առավել ևս հմտացած սաղմոսերգության կրթության մեջ»): IX դարի վերջին քառորդում (877—897) Հայաստանի կաթողիկոսն էր Գեորգը, «որ էր յգիւղաքաղաքէն Գառնոյ»³: Սահակադուխտը ևս Գեորգի աթոռակալությունը հիշաաակելով ասում է, թե «սա էր ի գիւղաքաղաքէն Գառնոյ»⁴: Սամվել Սնեցին և Կիրակոս Գանձակեցին նույն կապակցությամբ Գառնին անվանում են գյուղաքաղաք⁵:

Գեորգին հաջորդած Մաշտոց կաթողիկոսը մեռել և թաղվել է Գառնիում. Ասողիկի ասելով «մերձ առ հովանոցին Խոսրովիգիսոյ, զոր էր շինեալ Տրդատայ Հայոց արքայի»⁶: (Խոսրովագիսաի հովանոցի մոտ, որ շինել էր Տրդատ Հայոց արքան»):

Նույնը գտնում ենք «Յայսմաւորք»-ի հոկտեմբերի 13-ի ընթերցվելիքի մեջ, որտեղ ասված է, թե Մաշտոցը «վախճանեցաւ ի գիւղաքաղաքին Գառնի, և եգաւ պաաուով մօտ ի հովանոց արքային Տրդատայ ի բերդն Գառնոյ: ԳՃԽԶ թվ.»⁷ («Վախճանվեց Գառնի գյուղաքաղաքում և պաաւով թաղվեց Գառնի բերդում Տրդատ արքայի հովանոցի մոտ 346 (897) թվականին»):

1 Ստեփանոս Օրրելեան, Պատմութիւն, էջ 139:

2 Հովհաննես կաթողիկոս, Պատմութիւն, Թիֆլիս, 1912, էջ 110, տե՛ս նաև Սահակադուխտ Տարոնացի, Պատմութիւն տիեզերական, Ս. Պետերբուրգ, 1888, էջ 106:

3 Հովհաննես կաթողիկոս, Պատմութիւն, էջ 137:

4 Ստեփանոս Տարոնացի, Պատմութիւն տիեզերական, էջ 110:

5 Սամուել Սնեցի, Հայկազունք ը գրոց պատմադրաց, էջ 95, նաև Կիրակոս Գանձակեցի, Պատմութիւն, էջ 75:

6 Ստեփանոս Տարոնացի, Պատմութիւն տիեզերական, էջ 160:

7 Յայսմաւորք հոկտեմբերի ԺԳ:

Կիրակոս Գանձակեցին ես ասում է, թե «եղաւ սարսին նորա (Մաշտոցի) ի դերեզմանի ի Գառնի հուպ առ զարսանալի թախտն Տրդատայ. և շինեցին ի վերալ նորա եկեղեցի վայելուլ»¹: (սնրա (Մաշտոցի) մարմինը դրվեց դերեզմանի մեջ՝ Գառնիում Տրդատի զարսանալի թախտին շատ սոտ և շինեցին նրավրա վայելուլ եկեղեցի»): Ուշագրավն այն է, որ Ասողիկը, «Յասմաուրբը» և Գանձակեցին Տրդատի հովանոցը նույնացնում են Գառնիի հեթանոսական տաճարի հետ, որի կողքին իրոք պահպանվում են Մաշտոցի արձանադիր տապանաքարը և մատուռի մնացորդները:

Մաշտոցի մատուռը, որը ավելի վաղ աղբյուրներում չի հիշատակված և որի մասին խոսում է Կիրակոս Գանձակեցին, X—XI դարերի շինությունն է. թվում: Հավանաբար XIII դ. գործ է նաև Մաշտոցի տապանաքարը, թեև ունի ՅԽԶ (897) թվակիր արձանագրություն:

Գառնին իրրև գյուղաքաղաք հիշատակված է Հովհաննես կաթողիկոսի մի այլ վկայության մեջ ևս՝ Այրիվանքի հաբսաությունները կողոպտելու կապակցությամբ: Պատմիչն ասում է, թե վանքը դոնվում էր «յայրի անդ յարեկից հիւսիսոյ ղեղաքաղաքին Գառնոյ»²: Վկայություններ կան, որոնք ցույց են տալիս, թե Գառնի գյուղաքաղաքը նշանավոր էր նաև իր խաղողի այգիներով:

Մեջբերված վկայություններից երևում է, որ Գառնին IX դարում, ավելի սառույդ, այդ դարի երկրորդ կեսում դառնում է գյուղաքաղաք: X դարի և հետագայի պատմիչները նշում են հաակապես նրա գյուղաքաղաք լինելու հանգամանքը, որն ինչպես երևում է ավելի կարևոր էր նկատվում, իսկ ամրոցի մասին գրեթե չեն խոսում: Հեաադայում ևս Գառնին նշանակալից կերպով չաճեց և քիչ թե շատ աչքի ընկնող քաղաք չդարձավ:

Մասնագրական աղբյուրներում մինչև XV դարը Գառնին անվանվում է գյուղաքաղաք: Իբրև այդպիսին նա վերջին անգամ չէր գրավում, ընդհակառակը, առավել խոշոր և նշանակալից գյուղաքաղաքներից մեկն էր և փաստորեն ունեւո՞ւմ չէր ամրաբերվում միջնադարյան Հայաստանի փոքր քաղաքներից և լինելով ավանդական վայր նախկին թագավորական ամրոց, նույնիսկ նրանցից շատերից ավելի էր հայանի, ուստի և հաճախ է հիշատակվել դրավոր աղբյուրներում:

Գառնին բաղմիցս հիշատակվում է IX—X դարերի անցքերի կապակցությամբ: XI դարի հեղինակներից Գառնին հիշատակում է Սահփանոս Տարոնացին, սակայն, IX դարի վերջերին տեղի ունեցած անցքերի կապակցությամբ, անվանելով այն գյուղաքաղաք³: XII դարում նույնպես Գառնին գյուղաքաղաք է անվանված Հովսեփ Դվինցու (+ 1170) վկայության մեջ⁴:

Գառնիի վերաբերյալ ավելի շատ տեղեկություններ դոնում ենք XIII դարում:

XIII դարի 20-ական թվականներին Գառնիում անդի է՝ ունեցել պատմական մի նշանավոր անցք՝ ճակատամարտ խորեզմշահ Ջալալեդդինի դեմ, որի վերաբերյալ տեղեկություններ հաղորդում են մի շարք հեղինակներ:

Պարտություն կրելով մոնղոլներից խորեզմշահ Ջալալեդդինը խույս

¹ Կիրակոս Գանձակեցի, Պատմութիւն Հայոց, Երևան, 1961, էջ 81:

² Հովհաննես կաթողիկոս, Պատմութիւն, Թիֆլիս, 1912, էջ 338—339:

³ Սահփանոս Տարոնացի, Պատմութիւն տիեզերակտն, Ս. Պետերբուրգ, 1885, էջ 106, 111, 160:

⁴ Հայոց նոր վկաներ, Վաղարշապատ, 1903, էջ 60:

ավեց իրեն հետապնդող զորքերից՝ շարժվելով գեպի արևմուտք։ 20-ական թվականներին նա իր զորքերով սուպտականց Անդրկովկասի երկրները 1225 թ. վրացական և հայկական զորքերը Գառնիում ճակատամարտի բռնը վեցին Զալալեգլինի հետ, սակայն, ճակատամարտը ողորդական ելք ունեցավ։ Կիրակոս Գանձակեցին պատմում է, թե ինչպես Զալալեգլինը Աարպատականի միջով մտնում է Աղվանք, գրավում է Գանձակը և ներխուժում Հալաստան։ Նրա դեմ ջարժվում են վրաց զորքերը Իվանե Աթարեկի զլխավորությամբ¹։ Այնուհետև Կիրակոսը գրում է. «Եկն ապա սուլտանն ի գաւառն Կոտայից, Գնաց ե իւանէ պօրօքն վրաց, և կայր հանգէպ նոցա ի վերոյ. և անսեալ գնոսա՝ գանգիանաց, ղետեղեալ ի տեղոջն։ Իսկ սուլտանն՝ յառաջ վարեալ զգօրս իւր, գայր հանգէպ նոցա։ Եւ իրրև ղայն ետես իշխան մի յաւագացն վրաց, Շալուէ անուն նորա, և եղրայր իւր Իւանէ, արք քաջք և անուանիք, և յաղթողք ի պատերազմի, առեն ցալ զօրսն. «Դուք կացէք՝ մնացէք վայր մի, և մեք երթեալ իսանեսցուք ի նոսա. եթէ դարձուցուք ղոմանս ի նոցանէ յեաս, մե՛ր է յաղթութիւն, եկայք և գուք. ապա թէ նոքա մեզ յաղթիցեն, փախերուք գուք և ապրեցուցէք ղանձինս ձերս»։

Եւ իրրև իսանեցան նոքա սկսան կոտորել զօրս սուլտանին։ Իսկ զօրն վրաց այնմ ուշ ո՛չ եգին, այլ փախան ի տեղուցէ անաի, մինչև այր գրնկեր ի փախուսա ո՛չ ղիտէր. և երթեալք առանց ուրուք հալածելոյ ամենեքեան ի վախից ի վայր մզեալք՝ ի ձոր անդր լնուին ի զուխս քողաքագեզն Գառնույ։ Եւ իրրև անսին ղայն զօրքն սուլտանին, զհետ մտեալ՝ ըազումս կոտորեցին, և ղայլս գահավէժ արարին»²։

(«Սուլթանը եկավ Կոտայքի գավառը։ Գնաց նաև Իվանեն վրաց զորքով և կանգնեց նրանց հանդեպ՝ վերևից. և տեսնելով նրանց երկյուղեց՝ դիրք գրավելով այնտեղ. իսկ սուլթանը՝ հառաջ վարելով իր զորքերը գալիս է նրանց հանգեպ։ Եվ երբ այդ ըանք անսալ Շալվե անունով մի իշխան վրաց ավագներից և իր եղրայր Իվանեն, որոնք պատերազմներում հաղթող, տնվանի և քաջ մարդիկ է՛րն, ասում են մյուս զորքերին. «Դուք այստեղ կացեք մնացեք մի առժամանակ, իսկ մենք գնանք խառնվենք նրանց. եթե նրանցից ոմանց փախուսաի մատնենք (բառացի՝ ես դարձնենք), հաղթությունը մերն է, եկե՛ք և գուք, իսկ եթե նրանք մեզ հաղթեն՝ գուք փախեք և փրկեցեք ձեր անձը»։ Եվ երբ նրանք խառնվեցին (թշնամուն) սկսեցին կոտորել սուլթանի զորքերին։ Իսկ վրաց զորքերը ուշադրություն չդարձրեցին դրան, այլ փախան այնտեղից, այնպես, որ մարդ իր ընկերոջ փախուստի մեջ չէր ճանաչում. և առանց մեկն ու մեկից հալածվելու գնացին բոլորը վախից գեպի ցած մզված՝ այնանգ Գառնի քաղաքագլուղի գլխի ձորը լցվեցին։ Եվ երբ այդ ըանք տեսան Սուլթանի զորքերը հետապնդելով՝ շառերին կոտորեցին և մյուսներին գահավէժ արեցին»)։

Ստեփանոս Օրբելյանը նույնպես նկարագրում է այս անցքերը ասելով, թե Զալալեգլինը «եկեալ յԱյրարատեան գաւառ՝ ըտնակ հարկանէր անդ. վասն որոյ ժողովեալ Իվանէ Աթարէկին ղամենայն, զոյժ ե զօրութիւն Հայոց և վրաց՝ կամէր մարաիւ պատահել նոցա»³։

¹ Կիրակոս Գանձակեցի, Պատմութիւն, էջ 224։

² Նույն տեղում, էջ 224—225։

³ Ստեփանոս Օրբելյան, Պատմութիւն նահանգին Սիսական, Թիֆլիս, 1910, էջ 399։ Տե՛ս նաև Մանր ժամանակագրությունների XIII—XVIII դարերի, հատ. 1-ին, կազմեց Վ. Ա. Հակոբյան, Երևան, 1951, էջ 39։

(«Գալով Այրարատյան դավառը, բանակ է դնում այնտեղ, որի պատճառով ի վանե Աթաբեկը հավաքելով հայոց և վրաց ամբողջ ուժն ու զորությունը, կամեցավ ճակատամարտով գիմավորել նրանց»):

Սահմանոս Օրբելյանը պատմում է, որ Նավվեի գլխավորությամբ առաջապահ զորք է ուղարկվում թշնամու դեմ, սակայն, առաջապահների կողմ հիմնական զորքին, թե դուք ես եկեք, հասկացվում է իբրև փախուստի ազդարարում, որի հետևանքով և ահդի է ունենում Գառնո եղեռնը:

Այս անցքերի՝ այսինքն թշնամու դեմ առաջընթաց զորք ուղարկելու և ի վանեի զորքերի պաթաության ու փախուստի մասին խոսվում է նաև XIV դարի վրաց անանուն հեղինակի ժամանակագրության մեջ, ըստ որում Գառնին անվանվում է դյուդ¹, որ ուրիշ ոչ ոք աղբյուրում չի հանդիպում:

Վարդան Արևելցին պատմելով նույն անցքերի մասին, Գառնին անվանում է դյուդաքաղաք²:

XIII դարի հեղինակ Ստեփան եպիսկոպոսի աարեգրության մեջ նույն անցքերի առիթով Գառնին նույնպես անվանված է «քաղաքագյուղ»³:

Գառնիի ճակատամարտի և նրա աղետալի կլքի մասին մանրամասն պատմում է նաև Միխայել Ասորին, որն այդ կապակցությամբ Գառնին մի անգամ անվանում է գյուղաքաղաք⁴, մի այլ անգամ, նույնիսկ քաղաք⁵:

Միխայել Ասորու պատմածի մեջ կա և ուշագրավ տեղեկություն այն մասին, թե Գառնիի բերդը և սարավույթը այդ ժամանակ կանգուն էին:

«Եհաս համբաւ խորաղմին,—գրում է Միխայել Ասորին,—և նոքա փութով ժողովեալ զօրս կամէին ելանել ընդդէմ նոցա ի դաշտամէջն Գառնի քաղաքոյ, զոր շինեաց մեծ արքայն Հայոց Տրդատ, բերդ և սարաւոյթ՝ ի մեծամեծ վիմաց թագաւորութեան իւրոյ, որ զայ անխախտելի մինչև ցայսօր»⁶:

(«Հասավ խորեղմի (խորեղմշահի) համբավը ե նրանք շտապով հավաքելով զորքերը կամեցան ելնել նրանց դեմ՝ Գառնի քաղաքի գաշտամիջում, որը Հայոց Տրդատ մեծ արքան իր թագավորության ժամանակ շինեց բերդ ու սարավույթ՝ մեծամեծ քարերից, որը անխորաակելի մնում է մինչև այսօր»):

Միխայել Ասորին միակ հնդրնակը չէ, որ Գառնին անվանում է քաղաք: XIII դարի արաբ աշխարհագիր Յակուտը Գառնի (Ջուրնա) բառի տակ գրում է «Քաղաք Հայաստանի կողմերում, Դարիլի (Դվինի) մոտ»⁷:

Գառնին իբրև հայանի բնակավայր և գյուղաքաղաք XIII դարում հիշատակվում է նաև այն կապակցությամբ, որ ավել է գործիչներ, ինչպես կրոնական, նույնպես և հակակեղեցական-հակաֆեոդալական, գյուղացիական շարժումների բնադաւոններում:

Կիրակոս Գանձակեցին պատմում է ոմն ճգնակյաց կրոնավոր Հովհաննիսի մասին, որն էր «ի քաղաքագիւղէն Գառնույ, ուր դարմանալի սարաւոյթն է

1 Լ. Մելիքսեթ-Բեկ, Վրաց աղբյուրները Հայաստանի և հայերի մասին, Բ հատոր, Երևան, 1936, էջ 52:

2 Վարդան, Հաւաքումն պատմութեան, Վենետիկ, 1862, էջ 143:

3 Մանր ժամանակագրություններ, XIII—XVIII դդ., հատ. 1, էջ 39:

4 Միխայել Ասորի, Ժամանակագրութիւն, Երուսաղեմ, 1871, էջ 522:

5 Նույն տեղում, էջ 520:

6 Նույն տեղում:

7 Jacuts Geographisches Wörterbuch, Herausgegeben von Ferdinand Wüstenfeld, Leipzig, 1924, II, S. 65.

Տրդաաայ, ի սուրբ ուխտէն Այրիվանաց¹: Այրիվանքի անձուկ կրոնական միջավայրում գաստիարակված, կուսակրոն գառնեցի Հովհաննեսին վերադրվում էին անսխիւն ու հրաշապատում զրույցներ, որոնց նպատակն է եղել փառաբանել հայերի գավանանքը և սլաշքարել մի կողմից՝ ընդդէմ հայերի գավանափոխութեան՝ հոռոմ (հունական) ֆոնանգ կամ ասորի հավատի, մյուս կողմից՝ ընդդէմ կրոնական ղգացմունքների թուլացման՝ ընակչութեան մեջ. որը նկատելի էր այդ Ժամանակներում:

Հովհաննես Գառնեցին հոգևորականութեան հետամնաց դիւրբերից պայքար է մղել նաև կրոնական ղոգմաներից և սուրբ գրքի առոից կատարվող շեղումների դեմ, իսկ նման շեղումներ նրա Ժամանակ սովորական էրնույթ էին: Հայտնի է, որ X—XIII դարերում ֆեոգալների և եկեղեցու դեմ աշխատավորների սուր պայքարի, լայն գանգալածների ինքնագիտակցութեան, քաղաքների ղարգացման և հասարակական մտքի աշխարհականացման պայմաններում, հավատքը նկատելիորեն թուլացել էր և քրիստոնեական գոգմաներն ու գաղափարները հանգիպում էին քննադատական վերաբերմունքի ու ենթարկվում փոփոխութեան, ղրանից գերծ չէին նաև եկեղեցական պաշտոնական ղրականութեան բնագրերը: Շեղումների և փոփոխութեանների ենթարկվել էին նաև սաղմոսները:

«ՁԱղմոս Դաւթի, մանաւանդ թէ ղերգս հոգոյն սրբոյ, այլ եւ այլ աւելի և պակաս նուագեն մանկունք եկեղեցւոյ, ոչ ուսեալ ղճշմարիտն. և այս եղև յանհոգութենէ ոմանց, և ի սղալաղիւր գրչաց. իրահամարձակք ոմանք մաայօդ իմացմամբ արագրեցին գուղիղն և ղուղիղորղն. նաև ղաղում անպամ վիճին ոմանք ի նուագելն ղԱղմոսս, և այլ ոմանք Ժայրաքաղ սունելով ղարրանջեն. անղեղջ սրաիւ և անիմաստ բայիւք... և Հայք՝ ի ղերան առեալ՝ ասեն վայրապար, քահանայք և ռամիկք և մանկունք և կուլեոք և հաւատաւոր կանայք...»²:

(Դավթի Սաղմոսները, մանավանդ թե սուրբ հոգու երգերը, ավելի այլեւայլ ձևերով և թերի են նվագում եկեղեցու աշակերտները (մանկունք) ճշմարիտը սովորած չլինելով. և այս եղալ ոմանց անհոգութեան և սխալագիր գրիչների պատճառով. հանդուգն ոմանք մաացածին կերպով (մաայօգ իմացութեամբ) փոխակերպեցին ուղիղն ու սաուլգր. Սաղմոսները օրգելիս ոմանք նաև շատ անգամ վիճում են, ուրիշները կցկաուր կերպով քաղնւով են ղաշբաջում, չգգջացող սբաով և անիմաստ բառերով... և հայերը ղերանները առած՝ երգում են վայրարարո, քահանաները, ռամիկները, պատանիներն ու անշափահասները և կրոնավոր կանայք):

Հովհաննես Գառնեցին գնալով Հաղրաա վանքը, գտնում է Հովհաննես Սարկալաղի ձեռքով արագրված հին՝ թարգմանչաց Ժամանակների սաղմոսների ղնաղիրը, սաուգում, վավերական է հայտարարում այն և տարածում է հայերի մեջ իրրև պաշտոնական բնագիր, որը նրա անունով կոչվում է «Գառնեցի»: Հովհաննես Գառնեցին գրել է նաև աղոթքներ, որոնց մեջ քարոզում է կրոնական մոլեռանգութեան:

Միանգամայն այլ նկարագիր ունի Սյունիքի Ջերմուկ ղերղի մոտ Մար գյուղում 1250 թ. Ժագած հակաֆեոգալական գյուղացիական շարժման ղեկավար

1 Կիրակոս Գանձակեցի, Պատմութիւն, էջ 335:

2 Աւիշան, Այրարա, էջ 362:

Դավիթը, որը հանդես էր եկել նաև պաշտոնական եկեղեցու դեմ: Ընկած լինելով հոգևորականության ճանկը և հանգիստի զառնեցիկների, Դավիթը դիմում է վերջիններին օգնության: Քանզի տալիս լինեց ազգակից նոցա և ի Դառնու: (Գանձը որ ասում էր, թե ինքը ազգակից է նրանց և Դառնեցի է):

Երբեք օտար և ներքին կեղեքողների դեմ և պայքարի հանելով աղքատներին Դավիթը ժողովրդի առջև հայաարարում էր, թե «յԱրշակունեաց աղղէն ես՝ ես, և պարտ է որդոց իմոց լինել միոյն թագաւոյ և միւսոյն՝ կաթողիկոս»¹: (Արշակունիների տոհմից ես՝ ես և իմ որդիները պիտի լինեն մեկը՝ թագավոր, մյուսը՝ կաթողիկոս):

Դավթի ղեկավարած շարժումը մնաց տեղական նեղ սահմաններում և ճնշվեց չժապավելով նույնիսկ մերձակա շրջաններում:

Մեջրեքված վկայություններից երևում է, որ X—XIII դարերի աղբյուրների և հեղինակների մեծագույն մասը Գառնին անվանում է դյուղաբաղաբ, միայն երկու օտար հեղինակ են այն քաղաք կոչում: Իրականում իր բնակչության թվով, տնտեսությամբ, արհեստների և առևտրի զարգացման ժապարակով Գառնին փոքր քաղաքից չէր տարբերվում: Տվյալներ կան նաև այն մասին, որ բերդերի ու ավանների, առավել ևս դյուղաբաղաբների բնակչությունը վայելում էր այնպիսի արտոնություններ, որոնք սահմանված էին քաղաքային բնակչության համար՝ ճրստ պայմանի քաղաքականացում: Բայց քաղաք կոչվելու համար Գառնին պետք է ունենար մի այլ հատկանիշ ևս՝ այն պետք է պարսպապատ լիներ, ըստ որում պարսպի մեջ առնված պետք է լիներ ոչ միայն բերդը կամ միջնաբերդը, այլև ամրոցը գյուղաքաղաքը, մինչև՛ պարսպապատ էր միայն Գառնի ամրոցը, իսկ նրա առջև փռված դյուղաբաղաբը անպարսպ էր:

Գյուղաքաղաքի իր նշանակությունը Գառնին պահպանում էր նաև XIV—XV դարերում:

1321 թ. մի արձանագրության մեջ, որը փորագրված է Գառնիի դիմաց գտնվող Հավուց թառի սբ. Կարապետ անունով մի երկարավուն մատուռաձև շենքի վրա հիշատակվում է ոմն «Կարապետ որդի Տիրատրոյ ի շահաստան զղեկէս Գառնու»²: Այստեղ ուշադրալից է այն է, որ Գառնին անվանվում է շահաստան զղեկ, որ նշանակում է, թե այստեղ զարգացած են եղել արհեստներն ու առևտուրը:

1346 թ. արտագրված մի ձեռագրի հիշատակարանում Գառնին դարձյալ անվանված է «ղեղաքաղաք»³: Իսկ 1423 թ. Պողոս Բ. Գառնեցի կաթողիկոսի օրոք Այրիվանքում սկսվել և Գառնի գյուղաքաղաքում ավարտվել է մի Մաշտոցի արտագրությունը՝ ձեռն գրչության սորա ի նախադրական սուրբ ուխան՝ ի մեծն Այրիվանս, և կատարումն դրոցս՝ յաստուածապահ՝ դիւքաքաղաքս Գառնի, առ դրան սուրբ և հրաշափառ Կաթողիկէիս և այլ սուրբ եկեղեցեացս ի թվ. ՊԶԲ (1423)»⁴:

1 Կիրակոս Գանձակեցի, Պատմութիւն Հայոց, Երևան, 1961, էջ 327—328:

2 Այս առթիվ ան՝ ս մեր աշխատությունը «Քաղաքները և արհեստները Հայաստանում IX—XIII դարերում», էջ 64—67: Կիրակոս Գանձակեցի, Պատմութիւն, էջ 335:

3 Գ. Հովսեփյան, Հավուց թառի Ամենափրկիչը, էջ 16:

4 Ժ. Կարի Հուշերն ձեռագրերի հիշատակարաններ, էջ 351:

5 Ժն. դարի Հայերեն ձեռագրերի հիշատակարաններ, մասն առաջին, էջ 303—304:

(«Եվ գրվեց սա նախապատվելի սուրբ ուխտի մեջ՝ մեծ Այրիվանքում, իսկ ավարտվեց այս դիրքը աստվածապահ Գառնի գյուղաքաղաքում՝ այս սուրբ հրտաշարաւ կաթողիկէի և մյուս սուրբ եկեղեցիների ղռտնը ՊՀԲ (1423 թվականին)»):

Այսպիսով, Գառնին XV դարում ևս անվանվում է գյուղաքաղաք և նշվում է, թե այստեղ էլ կային մի քանի եկեղեցիներ, որոնց ավերակներն ու մնացորդները իրոք պահպանվում են գյուղի տարրեր մտսերում: Այստեղից են դուրս եկել մի շարք խոշոր եկեղեցական դործիչներ, դրանց թվում և երեք կաթողիկոս:

Մոնղոլական աղետալից տիրապետութունը իր բացասական հետևանքներն ունեցավ ոչ ինչ քանի որ անտեսական, քաղաքական և կուլտուրական զարգացման վրա: Քայքայվեց ոռոգելի երկրագործութունը, տնկում ապրեցին քաղաքները, որոնցից մի քանիսը ամայացան, իսկ մյուսները հաղիվ պահպանում էին իրենց գոյութունը, շատերն էլ ավանների, գյուղերի վերածվեցին: Եվ եթե Գառնին այս պայմաններում շարունակում էր մնալ իբրև գյուղաքաղաք, ապա դա բացատրվում է մասամբ այն բանով, որ Դվինի կործանումից հետո այդ երբեմնի խոշոր քաղաքի արհեստավորների ոչ մասը փոխադրվեց Գառնի: Մեր այս ենթադրությանը հիմք է ծառայում ոչ միայն այս երկու կետերի մերձավորութունը, այլև Դվինի խեցեղենի անոթների արտագրութունը Գառնիում՝ Դվինի անկումից հետո, որը երևում է այդ տիպի, բայց XIII դարի երկրորդ կեսին և XIV դարի սկզբներին պատկանող խեցեղենի գզալի թվով բեկորների հայտնաբերումից:

XIV—XV դարերում Գառնին քանիցս ենթարկվում է ասպատակութունների և նույնպես անկում է ապրում: Բայց ինչպես երևում է XV դարում Գառնիում հաստատված է եղել ինչ որ իշխանավոր, որը և թերևս արաբերեն մակագրութամբ ղրամներ է հատել և շքաղյուսներով ղարգարված շենք է կառուցել իր համար:

Թե ովքե՞ր ևս տիրել Գառնիին և նրա մերձակայքին, մասամբ պարզվում է մեղ հասած որոշ անդեկութունների շնորհիվ: Սիմեոն կաթողիկոս Երևանցին «Զամբու» նշանավոր աշխատության մեջ խոսելով Հավուց թառի Ամենափրկիչ վանքի և նրան ենթակա բնակավայրերի ու տեղութունների մասին, իրավացի նկատում է, թե վանքի և նրա կալվածների ակերբը շարունակում էին մնալ Գրիգոր Մադիստրոս Պահլավունու տոհմի ներկայացուցիչները: XV դարում Գառնի գավառին տիրացել էին ոմն «տաճիկ» Հեյդարի հետնորդները, որոնք զավթել էին նաև Հավուցթառի վանքի ախրութները: 1487 թ. վանքի առաջնորդ՝ Պահլավունի տոհմից ծագող Զաքարիա վարդապետը որոշ գումար վճարելով Գառնո գավառի տեր՝ Հեյդարի թոռ Ամիրջամալ Արդինբեկին ետ է գնում վանքին պատկանող 9 գյուղերը, որոնցից 6-ը վանքին պետք է վճարեին բոլոր տեսակի հարկերը՝ ամբողջութամբ (վեց դանկ), իսկ Կոխգը (այժմ Գողթ)՝ հարկերի կեսը (երեք դանկ): Այդ առթիվ Սիմեոն Երևանցին գրում է.

«Ի յաղգէ վերոյ գրեալ Գրիգոր Մադիստրոսին՝ մի զկնի միոյ յաջորդելով՝ նստի առաջնորդ ի վանքս այս ի նոյն գեղոյն Հայոցթառու Զաքարիա վարդապետան... Արդ այս Զաքարիա վարդապետս զմեք դասն մուքս այսոցիկ. այս ինքն, Մանկուա, Աւանիկ, Կուտիս, Հայոցթառ, Կուտուց վանք, Աւանասար, Թառնիս, և սուրբ Արդիս կոչեցեալոց գեղոցեհոս. և Կոխգտ երեք դանք մուքն, որք են ինն գեղք, ի տաճկէ միոյն, որ կոչի Ամիրբեամալ Արդինբեկ,

որդի նստրուզի որդու Ղէյդարի՝ հինգ հազար դենարի, ի ՊՂԴ թուին տաճկաց և ի ՋԼԶ թուոյն մերում, զորոյ զգապալայն գացես ցուցական...: Յորում դրին իրաքանչիւրքն յատուկ յատուկ սահմանօքն իւրեանց, որք են ի Գառնու նստրուզի նահանգոյն»¹:

(«Վերոհիշյալ Գրիգոր Մաղիստրոսի տոհմից՝ սեկո մյուսից հետո հաջորդելով՝ առաջնորդ է նստում այս վանքում նույն Հայոցթառ գյուղից Զարարիա վարդապետը... Արդ՝ այս Զաքարիա վարդապետը սրանց, այսինքն Մանկուա, Ավանիկ, Կուտիս, Հայոցթառ, Կուտուց վանք, Ավանասար, Թառնիս, և սուրբ Սարգիս գյուղերի վեց դանկ մուլքը և Կոխդի երեք դանկ մուլքը, որոնք են ինը գյուղ (դենց) մի տաճիկից, որը կոչվում է Ամիրքյամալ Արդին բեկ, որդի նավրուզի որդո Ղէյդարի՝ հինգ հազար դինարով, առճկաց ՊՂԴ (894) թվին և մեր ՋԼԶ (936)=1487 թվականին, որի կալվածագիրը կգանես ցուցական... Որի մեջ գրված են յուրաքանչյուրը առանձին-առանձին իրենց սահմաններով, որոնք գտնվում են Գառնո գաւառում»):

Վանքի համար ձեռք բերված գյուղերը Զաքարիան կապալազրով ձեռք բերելով է իր անվամբ, քանի որ վանքը իր կալվածներով նույնպես հանդիսանում էր Մաղիստրոսի տոհմի ժառանգական սեփականությունը, թեև այս իշխանական առանձնավորվածությունը սրղեն հանդես էին դալիս հողերականի սքեմով:

«Արդ՝ Զաքարիա վարդապետս զայսոսիկ ի յառնուլն, յիւր անունն առնու, և զանուն Ամենափրկչին ոչինչ յիշէ ի զապալայոյն, և զվախմ անուն ինչ ո՛չ գրեցուցանէ. որոյ պատճառն է՝ զի սոքա ի ընէ անախ ազատազունք էին և անուանիք, շաաազդ և հարուսաք, յորոց թէպէտ ոմանք վանականք լինէին, ոմանք աշխարհականք, սակայն մի էին տամբք և ընչիւք, և իւրեանց էր համարեցեալ դօզս և վանքն առանց խտրութեան: Վասն որոյ և ինքն մինչ առաջնորդ իսկ էր սոյն վանքիս, որպէս քէ վասն վանքիս առնոյր զայսքան մուլքս, թէպէտ յասուն վանքին վախմ ոչ գրեցուցանէր ի միամատութենէն»²:

(Արդ՝ այս Զաքարիա վարդապետը սրանք գնելիս, իր անվամբ է դնում և Ամենափրկչի անունը կալվածադրերի մեջ բոլորովին չի հիշաւակում, և վախմ (եկեղեցական կալված) անունով չի գրանցում, որի պատճառն է՝ որ սրանք ի ընե ազատազուն էին ու անվանի, բազմազդ և հարուսա, որոնցից մի քանիսը թեպետ վանական էին դառնում, մյուսները՝ աշխարհական, սակայն տոհմով և ունեցվածքով մեկ էին, և իրենցն էր համարվում գյուղն ու վանքը՝ առանց խտրութեան: Որի պատճառով, քանի որ հենց ինքն էլ վանքի առաջնորդն էր, որպես թե վանքի համար գնեց այնքան մուլքերը, թեև վանքի անունով վախմ չգրանցեց՝ աւարակուսանք չունենալով):

Այսպեզ մենք ունենք մի ցայաուն օրինակ, թե ինչպես հողերականի սքեմ զգեցած ֆեոդալները XV դարում կարողանում էին պահպանել իրենց ախրութենները, նորից և նորից իրենց վրա հասաւակ աւալով դրանք³: Տվյալ

¹ Ս ի մ ե ո ն Ե ի ե ա ն ց ի, Զամրո, էջ 277: Գառնո «նահանգը» ընդարձակ էր և նրա մեջ մտնում էր նաև Արտաշատի շրջանը: Տե՛ս նույն տեղում, էջ 280:

² Նույն տեղում, էջ 277:

³ Այս կալվածագիրը Շահ Իսմայիլ Բ-ի օրոք 1577 թ. վերահաստատվել է «Բաքայի որդիներ Զաքարիա վարդապետի և Միր Թոմանի (?)», Խոջայի որդի Ջիզլասի և Թունիի որդի Մեհ-րարի» անունով նվաճելով, որ այդ ընդ գյուղերը հիշյալ անձնավորությունների օրինական ժառանգի մուլքերն են: Տե՛ս Մասենադարանի պարսկերեն վավերագրերը, 1-ին. Հրովարակներ. պրակ առաջին (ԺԵ—ԺԶ դդ.), Երեւան, 1956, էջ 67—68:

Երեւոյն, ստեղծելով, մեզ հետաքրքրողը այդ հարցը չէ, այլ այն, որ Գառնո գավառին XV դարում տիրում էր Ամիրբեյամալ Արդին թեկը (գուցե և նրանից առաջ նրա հայրն ու պապը), որի իշխանությունը բավականապես ընդարձակ էր (Օշականն էլ և նա ուրիշին վաճառեց)։ Ելնելով այս ամենից, կարելի է ենթադրել, թե այս Արդին թեկը կամ սրա մերձավորները հաստատված են եղել Գառնի տարածքում, ուր թերևս նրանց են պատկանել ալիսիսի շենքերը, որոնց արտաքին հարդարման համար օգտագործվել են հախճապակյա շքադյուսներ, որոնց նմուշները հայտնաբերվել են ումրոցի պեղումների ժամանակ։

Հայ ժողովրդի վիճակն ավելի ծանրացավ XVI դարում, մինչև XV-ի դարի 30-ական թվականները. երկիրը դարձել էր անընդհատ պատերազմների և սպառնալուծությունների ասպարեղ։ Օտար տիրապետողների ծանր լծի տակ հեծող ժողովուրդը ենթարկվում էր անասելի կոտորածների, հալածանքների, ասպատակության, կողոպուտի և գերեվարության։ Նրա զրազեղ գավառներին մնում էր հիշել, որ միշտ այդպես չի եղել, որ հայերն էլ ունեցել են իրենց պատկանությունը, շեն երկիրը, համեմատաբար խաղաղ կյանք և երազել, որպեսզի կրկին այդ դրությունը ստեղծվի։ Այս գաղափարներով և տողորված Միմեոն Ապարանցու ողբը, որը նվիրված է Տրդատ թագավորի թախաին, և որի մեջ նկարագրվում է «երկաթադամ կապարակտա» հեթանոսական տաճարը, որն այն ժամանակ (1593) գեռևս կանգուն էր, պահպանված լինելով իբրև պալատ կամ «ամառանոց, հովանոց»¹։

Գրիգոր Դարանաղցին խոսելով Միմեոն Ապարանցու մասին ասում է. «Եւ էր յաշտկերտացն հետեակ ներսէսին և էր բանիբուն և իմաստասէր և բանաստեղծ և աղագասց, որ զմեծին Տրդատայ զարմանալի սարաւոյթն, այսինքն զպաղատն, սր է ի գիւզաքաղաքին Գառնի, նա զեղեցկալարմար յոճով յոյժ վայելչապէս զովասանական երգով ողբերգախառն գրուատեալ է։ Որպէս մեք այլ արժանացաք սուրբ տեղոյն տեսութեան, որ Մաշտոց վարդապետին և մեծ վարդապետին Գէորգայ գերեզմանատուն եկեղեցին կից և հուպ է սարաւոյթին»²։

(«Եւ (սա) ներսեսի աշակերտներից ու հետեւողներից էր և բանիբուն փիլիսոփա, բանաստեղծ և տաղասաց, որ Տրդատ Նեծը զարմանալի սարավոյթը, այսինքն պալատը, որը Գառնի գյուղաքաղաքում է. նա զեղեցկատհարմար ոճով շատ վայելուչ կերպով ողբերգախառն զովասանական երգով դրվաբան է։ Ինչպես և մենք արժանացանք այդ սուրբ տեղերը տեսութեանը, որ Մաշտոց վարդապետի և Գեորգ մեծ վարդապետի գերեզմանատուն եկեղեցին կից և կպած է սարավոյթին»)։

XVI դարի սկզբներին Այրարատյան նահանգը, մասնավորապես Կարբին, Օշական ենթարկվում են Զալալի փաշայի (որին անվանում էին Թոփալ Օսման փաշա) ասպատակությանը։ Ասպատակները ծանր հարեապահանջությանը զուգակցում էին կապուտ-կողոպուտի հետ։ Հիշյալ վայրերի բնակչությունը մասամբ փախչում է դեպի Գառնի։ Այստեղ գյուղի մոտի քարայրում հավաքվում է 500-ից ավելի մարդ։ Ասպատակելով Գառնին Զալալին երբ ծուխ դնելով քարայրի առջև ծխահեղձ են անում քարայրում ապաստանածներին։ Մի գյուղացի թշվառներին փրկելու համար, կապարում է անձնազոհ արարք՝ բնակչության անասունների առողջ ջալալներին ցույց տալու պատրվա-

¹ Ա լ ը շ ա ն, Այրարատ, էջ 368—369։

² Գրիգոր Կաթախեցի (Դարանաղցի), էջ 376։

կով նրանց տանում է Քոռադարա կոչվող ձորը, որից օգտվելով պտշարված
րնակչության պաշտպանները այրից հանելով ծխահեղձներին և ձուլնով տրո-
րելով ու ջրով շփելով շատերին փրկում են մահից¹։

Գրիգոր Դարանաղցին, ինչպես երեւում է Գառնին գյուղաքաղաք է ան-
վանում ավանդաբար, քանի որ այդ ժամանակներում քտնիցս ասպատակու-
թյունների դոհ դարձած Գառնին արդեն վերածվել էր գյուղի, որպես և ան-
վանում է նրան Առաքել Դավրիժեցիս XVII դարի սկզբի անցքերի կապակ-
ցությամբ։ Պատմելով Շահ Արրաս Ա-ի հրամանով մի քանի նահանգների
շուրջ 300 հազար հայ րնակչությունը իր դարավոր շեն բնակավայրերից տե-
ղահան անելու և դևպի Իրան դաղթեցնելու աղետալից անցքերի մասին՝ Դավ-
րիժեցին ասում է, թե Շահ Աբբասը Ամիրդունա խանի գլխավորությամբ
դորքեր ուղարկեց գաղթեցնելու նաե Գառնո գավառի րնակչությանը։ Դորքերը
մտնելով թի դիւղն Գառնի, և ոչ ըստ հրամանաց թագաւորին առնէին, այլ որ-
պէս զգերևւարս և աւարառուս սկսաս յափշաակել գինջս և զզաւակս քրիստոնէ-
ից։ Ու զայն տեսեալ բնակչաց գեղջն ձաւն տուեալ միմեանց՝ և արարեալ ամբողի
մեծ, սրով և բրով, քարիւ և փայտիւ հարեալ վիրաւորեալ կառափնատեցին
զնոսա՝ և ի րաց վարեցին յինքեանց²։

(Պարսիկները մտնելով «Գառնի գյուղը ոչ թե ըստ թագավորի հրամանի
էին գործում, այլ որպես ղերեվարներ և ավարառուներ, սկսեցին հափշտակել
քրիստոնյաների ունեցվածքն ու զավակներին։ Նման տեսնելով այդ գյուղի
բնակիչները՝ իրար ձեն տալով և մեծ ամբոխ նազմելով սրով ու բրով, քա-
րով ու փայտով հարվածելով, վիրավորելով գլխատեցին նրանց և հեռու քշե-
ցին իրենցից»)։

Փախուսաի մատնված թշնամու դորքերը դիմում են Ամիրդունա խանին,
«որոյ սրամտեալ բարկութեամբ մեծաւ, առեալ ընդ իւր գօրս լուլվս եկն ի
դաւտոս Գառնույ, և նախ զնոյն Գառնույ գեղջ զարսն ըմբոնեալ էարկ ի
խոշտանդանս շարշարանաց հարմամբ դանից, և հատմամբ յօդից, և իսկոյն
չուեցուցեալ եա ի ձեռս զօրականաց իւրոց ասնիլ իառնել զնոսա ի չուս ժո-
ղովրդոցն ի մեծ բանակն։ Զոր և տարեալ խառնեցին ի չուս ժողովրդեանն,
որք ընդ նոսին գնացին յաշխարհն Պարսից»³։

(«Որը զայրացած մեծ րարկությամբ, վերցնելով իր հետ շատ դորք եեւալ
Դառնի գովաւոր և ամենից առաջ նույն Գառնի գյուղի տղամարդկանց ըռնե-
լով՝ խոշտանդումների ու շարշարանքների ենթարկեց՝ գանահարությամբ և
հողերը կտրելով և իսկույն դաղթեցնելով ավեց իր զորականների ձեռքը, որ
նրանց տանեն խառնեն ժողովուրդների դաղթին, (իրենց) մեծ բանակում։
Որոնց ասնելով խառնեցին ժողովրդի դաղթին, որոնք նրանց (մյուսների)
հետ միտսին գնացին պարսից աշխարհը»)։

Դավրիժեցին պատմում է, թե հազարավոր մարդիկ Գառնիից և շրջա-
կա գյուղերից ապաստան են դտնում ձորերում ու քարայրներում, մասնավո-
րապես Քոռադարա մեծ ձորի Եսիրշիան կոչվող այրում։ Զինված աղամար-
դիկ մարաի են ըռնվում պարսիկների հետ, սակայն թշնամու գերադանց ուժե-
րը րարձրանում են սարը և 300-ական խմբերով գոտի առ գոտի իջնելով հաս-
նում են քարայրի դոտուն, ապա չորս մարդու, ոտից գլուխ երկաթե զրահներ

1 Առաքել Դավրիժեցի, Պատմութիւն, էջ 81—83։

2 Նույն աեղում, էջ 47։

3 Նույն տեղում։

հաղցնելով թոկերով իջեցնում են քարայրը: Երբ քարայրի պահապանները շտապում են վաճառք կանխելու, թշնամին հետապնդելով նրանց խուժում է քարայրը, ուր սկսվում է սոսկալի կոտորած: Պարսիկները չեն խնայում նույնիսկ կանանց և երեխաներին: Երիտասարդ տղաներն ու աղջիկները փակելով իրենց աչքերը, բարձր քարայրից իրենց անդունդն են նետում՝ դերադասելով մահը անպատվությունից և դերությունից: Շատ շատերը զոհ են դնում պարսից զորքերի անողոք և վայրագ սրին, մնացածներին պարսիկները զերի են վարում: Պատմիչը դառնազին ոգբում է այս շար աղետը և մխիթարության եզերք չի աեսնում¹:

Այս դեպքերը նկարագրված են նաև XVII դարի մի անանուն ժամանակագրության մեջ:

«Դարձեալ պատմեմ ձեզ և այլ բան աղէաի և ողորդութեան ի յամուր լերինք Գառնոյ և Այրիվանաց և Վանաստանայ ըտզում ժողովուրդ դոզետու և թաքուցեալ էրն, մինչ դեռ ի միում բարձրարնակ այրի ամրացեալ յապահով և անհոգ նսաէր մասն ինչ ի ժողովրդենէն. յանկարծ աեսին, որ անօրէն զօրքն Պարսից սուսերամերկ ի մէջ նոցա թափեցան. և սկսան զպարսկական սուրն ի դործ ածել, իսկ քրիստոնէիցն ի յահէ սրոյն կամաւ զինքեանս ի վայր արկին յանհուն բարձրութիւնէն՝ արք և կանայք, ծերք և տղայք: Յայնժամ մի ոսն ի միջի նոցա երաժիշտ և քաջ փողահար աղաչեաց ղղինուորքն դադարել ի կոտորելուն և ինքն եղեալ ի բերան ըզզուտնտն ողորմ ձայնիւ երգեաց զգամբանական և զգերեզմանական ողորն ի վերայ նոր մեռելոցն, որ ի յառակ քարանձաւին, ոմանք մեռեալք և ոմանք ի յելս հոգոյն ի յարեան ճապաղիս թաւալեալք ջուր խնդրէին և ոչ ոք էր, որ արուցանէր նոցա...»²:

(«Դարձյալ պատմեմ ձեզ աղեաի և ողորդութեան մի այլ բան՝ Գառնո, Այրիվանքի և Վանաստանի ամուր լեռներում փախել թաքնվել էր բազում ժողովուրդ, մինչդեռ ժողովրդի մի մասը մի բարձրադիր այրի մեջ ամրանալով ապահով և անհոգ նստած էր, հանկարծ աեսան, որ պարսից անօրէն զորքը սուսերամերկ թափվեց նրանց մեջ և սկսեց պարսկական սուրը դործի դնել. իսկ քրիստոնյաները սրի ահից կամովին իրենց վայր նեակցին անհուն բարձրութունից՝ տղամարդիկ և կանայք, ծերեր ու երեխաներ: Այն ժամտանակ նրանց միջից մեկը՝ երաժիշտ և քաջ փողահար աղաչեց ղղինուորներին դադարել կոտորելուց և ինքը զուտնան բերանին դնելով ազիոզորմ ձայնով երգեց (նվաղեց) դամբանական և դերեզմանական ողորն նոր մեռելների վրա, որ քարանձաւի հառակին էին. ոմանք մեռած, ոմանք հոգին տալու վրա հոսող արյան մեջ թավալված ջուր էին խնդրում և ոչ ոք չկար որ ջուր աար նրանց...»):

Եղեռներ հաջորդում էր եղեռնին, մինչև Գառնին կործանվեց և ամայացավ: 1630-ական թվականներին կրկին տեղի էին ունենում պատերազմական լայնածավալ դործողութիւններ Իրանի և Թուրքիայի միջև: 1636 թ. Սուլթան Մուրադը գրավել էր Բազդադը և շարժում էր իր զորքերը դժպր արևելք: Հայաստանը կրկին հանդիսանում էր պատերազմի թաաերարեմ և ոանակոխ էր արվում, ավերվում ու նոսրացնում: Հայ բնակչութիւնը կոտորվում էր, գերի տարվում: Պատերազմում թուրքերին օգնում էին Ղրիմի թաթարական խանի ուղարկած զորադնդերը, որոնց իրավունք էր վերապահված կողոպուտի հա-

1 Առաքել Դավրիժեցի, Պատմութիւն, էջ 49—52:

2 Մանր ժամանակագրութիւններ, XIII—XVIII դդ., հատ. 1, էջ 184:

մար բաժին ստանալ այս կտս այն դավաոր: 1638 թ., երբ Օսմանյան զորքերը իրենց մեջ բաժանեցին դեռևս չկողոպտված գավառները, Գառնին իր մերձակա գյուղերով բաժին ընկավ թաթարական զնգերին և ենթարկվեց վայրագ կոտորածի ու կողոպուտի:

Գրիգոր Դարանալցին պատմում է. «Եւ ի Գառնոյ ի վայր զմօտահաս դեղօրէքն ի վերի՝ վարեցին և յաւարի առին զորսս գտին՝ թէ հայ, թէ տաճիկ, դերկիրն և ղանասուն այլ, և լցին զգաշտն վայիւ և աղաչակաւ և անասնոց բառաշմամբա՝:

(«Եւ սկսած Գառնիից գեպի ցած մոտակա գյուղերով գերի վարեցին և ավարի ենթորկեցին, ում որ գտան՝ թե հայ, թե տաճիկ, նաև երկիրը և անասունները, այլև լցրեցին գաշար լացով ու աղաչանքով և անասունների բառաշով»):

Ով փրկվել էր պարսից զորքերի կոտորածից և գերեվարությունից զԳՀ և դառնում թաթարների սրին. ընակչության մի մասն էլ գերի է աւարվում:

Գառնին կողոպտվում, հիմնահաաակ ավերվում ու ամառանում է:

1638 թ. ավերածությունից հետո Գառնին իրրև շեն ընկավայր այլևս չի հիշատակվում: Ժիշտ է Մատենագրարնի № 1858 (1827 ձեռագրում), որի հեղինակն է Սիմեոն Նրեանցին ՌԺ (1659) թվականի տալ հիշաաակվում է թե Գառնո եպիսկոպոսն էր Զուղայեցի Սիմեոն վարդապետը, որին հեղինակը անվանում է գերիմասա գիտնական, քերական՝ պատմարան²: Իսկ Արրահամ Կրետացին XVII դարի երեսնական թվականներին հիշաաակում է Գառնո, Մաղկաձորոյ, Գեղարքունոյ, Ապարանու և Շիրակավանոյ մելիքներին: Սակայն ընագրից երևում է, որ խոսքը վերաբերում է Գառնո գավառին³: Ինչպես երեւում է Գառնիում պահպանվում էին եկեղեցիներ, և կային եկեղեցականներ, քանի որ Արրահամ Կրետացին այցելելով մի շարք եկեղեցիներ 1734 թ. երկուակտն օր գիշերել է Հավուց թառում և Այրիվանքում և մի օր էլ Գառնիում⁴:

1638 թ. հևառ XVII—XVIII դարերում առհասարակ հիշաաակվում է Գառնո գավառը, իսկ օտարերկրյա ճանապարհորդները XVIII դարում և XIX դարի սկզբներին այցելելով Գառնի, հիշատակում են միայն նրա հիմ հուշարձանները: Նրանցից Կեր Պորտերը, ինչպես կտեսնենք, նշում է նաև գյուղի ավերակ և ամայի լինելը:

Գառնիի հուշակավոր հեթանոսական տաճարը կանգուն էր մինչև 1679 թ. և կործանվեց ուժեղ երկրաշարժից նույն թվականի հունիսի 4-ին:

Զաքարիա Քանաքեռցին այդ առթիվ գրում է.

«Ի թուին ՌՃԻԸ ի յունիս ամսոյ Դ... յանկարծակի գոռաց երկիր որպէս ամպքն. ետ գոռալոյն ահագին թնդմամբ շարժեցաւ. երկիրն Արարատեան առհասարակ զողայր և երբիւր... և եկեալ շարժս այս ի կողմանց Գառնոյ՝ և փլան ամենայն շինուածք և գեղեցկայարկ ընակութիւնք, և վանորայք, և եկեղեցիք: Այսոքիկ են աւերեալ եկեղեցիք, Աղչոց-վանք, Այրի-վանք, Հաւուց-թառ, Տրգակերտն (Տրգաաակերտն), Խորվիրապն, Զրվեղ, Զագավանք, երեք

1 Ժամանակագրութիւն Գրիգորի վարդապետի Կամախեցւոյ կամ Դարանաղեցւոյ, էջ 579:

2 Գ. Հովսեփյան, Հավուց թառի Ամենափրկիչը, էջ 82, ծան. 1:

3 Արրահամ Կրետացի, էջ 62:

4 Նույն տեղում, էջ 6:

եկեղեցիք յժեհան, Նորադաւիթ, Նորադեղ, Ձորադեղ, Նորք, Գամրէշ և բերդն Երևանաւ: Ի հիմանց տապալեցաւ, մղկիթ և մինարայք...»¹:

(«ՌԵՃԻԸ (1679) թվականի հունիս ամսի 4-ին... երկիրը հանկարծակի դոռաղ ինչպես ամսերը. ղոռալուց հետո ահագին թնգլունով շարժվեց. ամբողջ Արարաձան իրկիրը դողում էր և երերում... և այս երկրաշարժը եկավ Գառնո կոռմերից, և փլվեցին բոլոր շինվածքները և դեղեցկահարկ ընակարանները և վանքերն ու եկեղեցիները: Սրանք են ավերված եկեղեցիները՝ Աղչոց-վանք, Այբի-վանք, Հտվուց-թառ, Տրդակերտը (Տրդատակերաը), Խորվիրասը, Զրվեղ, Ձազավանք, Լրեք եկեղեցի Երևանում, Նորադավիթ, Նորադեղ, Ձորադեղ, Նորք, Գամրեղ և Երևանի բերդը հիմնիվեր կործանվեց (նաև) մղկիթ և մինարեններ»):

Ավերվում է նաև Քանաքեռը, որակղ, պաամիչի ասելով, 1228 մարդ ղոհվեց. մեծ վնասներ եղան Կարրի գլուղաքաղաքում, վնասվեց Հովհաննավանքը, ավերածություններ և ղոհեր եղան շատ այլ գլուղերում²:

Պաամիչի հիշատակած Տրդատակերտը կամ Տրդատաթախար Գառնիի հեթանոսական տաճարն է, ինչպես նա կոչված է մյուս պաամիչների մոտ ևս: XVIII դարի մի անանուն ժամանակագրությունից այդ բանը երևում է ավելի քան որոշտիւ: Խոսելով նույն երկրաշարժի մասին, անանուն հեղինակը գրում է. «Սաստիկ շարժ եղև յժեհան և ԸԻ (8000) մարդ մեռան և Հաւուց թառու եկեղեցիքն և Գեղարդին և Գետարդելին փլան և Տրդատայ թախան ի Գառնի ի հիմնէ կործանեցաւ և այլ բաղում եկեղ[ե]ցիք և ապարանք յատակեցան»³:

(«Սաստիկ երկրաշարժ եղավ Երևանում և 8000 մարդ մեռավ, և Հավուց-թառի և Գեղարդի և Գետարդելի եկեղեցիները փլվեցին և Տրդատաթախար Գառնիում հիմքից կործանվեց, և այլ բաղմաթիվ եկեղեցիներ ու ապարանքներ դետին հավասարվեցին»):

Եվրոպական ճանապարհորդներից Գառնի են այցելել Տելֆերը, Զեյմս Մորիերը, Կեր Պորաերը և Դյուրուան:

Գառնի տաճարի մասին խոսում է և Շարդենը, որը չի եղել Գառնիում և տալիս է թյուր տեղեկություններ իր լսածների հիման վրա:

Տելֆերը (Buchan Telfer) եղել է Գառնիում, նա լսել է, որ հեթանոսական տաճարը Լեւոնանվել էր երկրաշարժի հետեանքով: Գառնիում դաել է վրտցական որամներ և աեսել է մի պղնձյա աեոթ «Միրդախանի որդի Պեարոս ՈՄԻԱ» (1772) մակագրությամբ⁴:

Զեյմս Մորիերը այցելել է Գառնի 1812 թ. օդոսաոսին: Նա գրում է, թի Գառնիում «աեսնվում են մի բերդի ավերակներ, բ:սղկացած մի դոնից և երկար տարածությամբ պարիսպներից»: Նա աեսել է Գառնիի հոնիական ոճի աաճարը, բըր «ոեննալով հոովմեական վարպետության բոլոր նշանները, բոլորովին օտար է պարսկական կամ հայկական որեէ բանի»⁵: «Բերդի դուռն ու պարիսպները նմանապես իրենց ծագումով պաականում են ավելի մեծ հնության, քան ընդհանրապես հայկական ավերակներն են, և դատելով իրենց

¹ Զ ա ք ա ռ ի ա Սարկավազի Պատմութիւն, Վաղարշապաա, հատ. երկրորդ, 1870, էջ 104:

² Նույն աեղում, էջ 104—105:

³ Մանր ժամանակագրություններ, XIII—XVIII դդ., հատ. 1-ին, Երևան, 1951, էջ 327:

⁴ Telfer Buchan, The Crimea and Transcaucasia, vol. I, 1876, էջ 220—222:

⁵ Հ ո վ հ. Հ ա կ ո ռ յ ա ն, Ուղեգրություններ, հատ. 2. Երևան, 1934, էջ 346:

որանադրության տոկունությունից, չափից, հարսարությունից, և զանգվածի լավ վարպետությունից, նրանք փաստորեն ժամանակակից են հոնիական շնորհին¹։

Ավելի ուշագրավ են Կեր Պորտերի վկայությունները։ Նա 1819 թ. հոկտեմբերի 26-ին ժամանելով Գառնի գրում է, թե այստեղ ռաբուլայներ ու աշտարակներ են կառուցված, կաղսված ժայռի հսկա կտորներից, դեղեցկորեն տաշված ու միացված հողմվեպան րանտորների վարպետությամբ, որոնք, ասում են, թե ևղև են ճարտարապետները։ Նրա (քերդի) պաշտպանության հյուսիսային զիծը րադկանում է կիսաշրջանակ սլարսպի ու աշտարակների մի շղթայով, որ մրանում է արևելյան ու արևմտյան դառիվայրերին։ Միայն մի գոտն հետքն է տեսնվում ե հավանորեն ուրիշ գուռ չի եղել. և դա շատ հեռու չէ երկրորդ կամ արևելյան աշտարակից։ Պարիսպներից ներս ղետեղված է արքայական պալատը, որի ավերակներից աակավին շատ բան է տեսնվում, րադմաթիվ ավելի խոնարհ շենքերի կույտերի միջում²։

Խոսելով պալատի, կամ ինչպես ճիշար նկատել է տաճարի մասին Կեր Պորտերը ասում է, թե ճերա մոտ կան քարե հիմքի բավականին ղանդվածներ, որ աարածվում են դեպի հյուսիս և արևմուտք, բայց նրանց մեջ ղարդարուն րեկորներ չեն տեսնվում։ Ամենից ուշագրավը հալոց թաղավորի պալատի մասն է³։

Կեր Պորտերը շարունակում է. «Դեպի հյուսիս, փլված պարիսպների սոտ տակավին նկատելի են հարձակման հին գործիքների տարօրինակ մնացորդները, այսինքն քարե կոպիտ ղեղակներ, որոնք մեր ամենամեծ ումբերի տրամադծից ավելի խոշոր են...»⁴։ «Հյուսիսային պալից այն կողմ, դեպի լեռան հարթությունը երևում են խոր, հեաքրքրության արժանի ավերակներ, մի քաղաքի մնացորդներ, որ երկբի ժողովուրդը անվանում է Գառնի։ Այս հնավանդ ավերակները երկարում են մեծ տարածությամբ, ցուցադրելով երկար ու այլազան շարք տների հիմքերը և հինգ եկեղեցիների ավելի աչքատու ավերակները, որոնց կառուցման ոճը պատկանում է աարբեր շրջանի, քան քերդին։ Այս սրբազան շենքերի ճարարապետությունը ճիշտ նման է էջմիածնի վանքին, որից երևում է, թե ժայռի վրայի սյունաղարդ շենքից մի դար հետո է կառուցվել։ Կաշտպանողական պտրիսպները և աշտարակները, որոնք հավանական է, որ լինեն քաղաքի սահմանները, հաղար յարդա են։ Անցյալ փառքի այս մնացորդների կամարների տակ ապաստան են դտել մոտ ինդտասր լիւնական ոչ նստակյաց րնտանիք, որոնք իրենց և իրենց կենդանիների հարմարություն ստեղծելու համար, աղարաել են հին ճարտարապետության հոյակապ երևույթը»⁵։

Այս վկայության մեջ հիշատակվող հինգ եկեղեցիների մնացորդները պահպանվել են մինչև մեր օրերը։ Կարևոր է և այն, որ Կեր Պորտերի վկայությունից երևում է, թե Գառնին ամայի է եղել, բնակչությունից ղուրկ և ժամանակավորապես միայն մի քանի քոչվոր ընտանիքներ ևն այնանդ րնակված եղել։

1 Չ ո վ հ. Չ ա կ ո Ր յ ա ն, Ուղեդրություններ, հատ. 2. Երևան, 1934, էջ 347։

2 Նույն տեղում, էջ 805—807։

3 Նույն տեղում, էջ 808։

4 Նույն տեղում, էջ 809։

5 Նույն տեղում, էջ 809—810։

Դյուրուան (Dubois) այցելել է Գառնի 1834 թ. մարտի 20-ին, նա նշում է Գառնիի մեծամեծ ավերակները, հատկապես ուշադրություն է դարձրել հեթանոսական տաճարի փլաաակների վրա՝ տալով նրա գլխավոր ճակատի վերակազմությունը¹։

¹ Dubois de Monperreux. Voyage autour du Caucase cher les Tcherkesses et les Abkhases, en Colchide, en Georgie, en Arménie et en Crimée, vol. III, էջ 386—389. Ա ի շ ա ն, Արարատ, էջ 362—363։